

RESOLUCIÓN REITORAL DO 2 DE XUÑO DE 2014 POLA QUE SE CONVOCAN CURSOS DE FORMACIÓN EN LINGUA GALEGA PARA O 1.º CUADRIMESTRE DO CURSO ACADÉMICO 2014/2015

A Universidade de Vigo fai pública a convocatoria de cursos de lingua galega, que se impartirán a partir do mes de setembro de 2014, organizados e xestionados pola Área de Normalización Lingüística.

Denominación: cursos de lingua galega

Listaxe de cursos convocados

- Curso de extensión cultural
- Curso de linguaxe administrativa e xurídica
- Curso de redacción e deseño de traballos académicos e de investigación
- Obradoiro de recursos informáticos para a lingua galega
- Ciclo de lingua e calidade

Datas de celebración: durante os meses de setembro, outubro, novembro e decembro de 2014

Lugar de celebración

1 O curso presencial:

- Curso de extensión cultural (campus de Vigo, Ourense e Pontevedra)

Desenvolveranse nos campus da Universidade de Vigo anteriormente sinalados sempre e cando haxa un mínimo de 15 persoas inscritas por campus.

3 Os cursos virtuais:

- Curso de linguaxe administrativa e xurídica
- Curso de redacción e deseño de traballos académicos e de investigación
- Obradoiro de recursos informáticos para a lingua galega
- Ciclo de lingua e calidade

O primeiro desenvolverase a través da empresa Tagen Ata, o segundo impartirao Reverso Servizos Lingüísticos e os dous últimos a través do Servizo de Teledocencia Faitic da Universidade de Vigo. Os cursos terán un seguimento virtual de todas as persoas matriculadas.

Duración dos cursos

- Curso de extensión cultural: 75 horas
- Curso de linguaxe administrativa e xurídica: 30 horas
- Curso de redacción e deseño de traballos académicos e de investigación: 20 horas
- Obradoiro de recursos informáticos para a lingua galega: 12 horas
- Ciclo de lingua e calidade: 10 horas

Coordinación académica

O director da Área de Normalización Lingüística

Número de participantes por grupo

Establécese un número mínimo de 15 persoas preinscritas nos cursos; de non se acadar ese número, o curso poderá anularse, e así se lles notificará ás persoas preinscritas. O número máximo de prazas é de 30.

Consignación orzamentaria

Os gastos derivados da impartición da docencia e da elaboración dos materiais didácticos e docentes imputaranse na partida orzamentaria de Normalización Lingüística 0000 421SNL 226.06.

Prazo de inscrición

Do 1 de xullo ao 26 de setembro de 2014 a través da plataforma virtual bubela.uvigo.es. Así mesmo, o citado prazo pecharase a medida que se cubran as prazas por rigorosa orde de entrega da documentación.

Matrícula

A matrícula será gratuíta para os membros da comunidade universitaria e os estudantes de intercambio. Para persoas alleas á Universidade de Vigo, o prezo dos cursos de 10 e 12 horas será de 20 euros; os demais 40 euros.

Para obter o diploma correspondente, requírese realizar o 100 % das actividades, das cales hai que superar o 80 % (no Curso de redacción e deseño de traballos académicos e de investigación haberá que asistir a unha clases presencial). No Curso de extensión cultural cómpre asistir a un 85 % das clases presenciais e das visitas, ademais de aprobar o sistema de avaliación establecido.

No diploma acreditativo constará a súa denominación, modalidade, duración e programa.

Concederanse 2 créditos ECTS (Curso de extensión cultural), 2 créditos de libre elección (LE) e 1 crédito ECTS (Curso de linguaxe administrativa e xurídica) e 1 LE (Curso de redacción e deseño de traballos académicos e de investigación).¹

O reitor



Salustiano Mato de la Iglesia

Dilixencia para facer constar que esta resolución se publica con esta data no rexistro desta universidade.

Vigo, 2 de xuño de 2014
A funcionaria,



Carmen Estévez Caamaño

¹Pendente da autorización pola Comisión de Organización Académica e Profesorado.